

حضرت عیسیٰ اپنے باراں صحابیاں کی تبلیغ کرنے تے  
لوکاں کی بیماریاں توں شفاً دینے واسطے پہیجئے ان

9<sup>1</sup> اک دیہاڑے حضرت عیسیٰ اپنے باراں صحابیاں  
کی بلایا، تے انہاں کی لوکاں وچوں جنات کڈھئے  
تے بیماریاں کی شفاً دینے نی قوت تے اختیار دتا۔<sup>2</sup> تے  
انہاں کی اے آخی کے پہیجیا، ”لوکاں کی اللہ تعالیٰ نی  
بادشاہی نے بارے وچ پیغام سٹاؤ، تے بیماریاں کی شفاً دیو۔  
3 اپنے نال فالتو پہار کجھ وی ناں کہنو، ناں سوٹی، ناں  
تھیلا، ناں روٹی، ناں پیسہ، ناں فالتو کپڑے۔<sup>4</sup> جس شہر  
وچ تساں جاؤ اتھے اک کھرے نے ہی مہمان بٹو، تے  
اُس گرائیں وچوں نکلئے ویلے تک اتھے ہی رہو۔<sup>5</sup> کدے  
کسے شہر نے لوک تساں کی قبول ناں کرن تے ناں ہی  
تساں نی گل سٹن، اُس شہر کی چھوڑنے ویلے شہر  
نی مٹی جیہڑی تساں نے پیراں نال لغی آے، اتھے نیاں  
لوکاں نی تباہی نی نشانی نے طور اپر چھنڈی شوڑیائے۔“  
6 فر اس توں بعد صحابیاں اپنا سفر شروع کری شوڑیا۔ او

گرائیں گرائیں وچ جائی کے لوکاں کی اللہ تعالیٰ نی خوشی  
 نی خبر سٹائے رہے، تے بیماراں کی شِفا وی دیتے رہے۔  
 7 جس ویلے ریاست گلیل نے حکمران پیرودیس حضرت  
 عیسیٰ نے بارے وچ گلاں سٹیاں تے او بھوں حیران  
 ہویا، کیئانکہ کجھ لوک آخٹے سن، ”حضرت یحییٰ  
 دوبارہ زندہ ہوئی گئے ان۔“ 8 کوئی لوک اے گل آخٹے  
 ہوئے سن، ”حضرت ایلاس دوبارہ ظاہر ہوئی گئے ان۔“  
 پر کجھ لوک آخٹے ہوئے سن، ”اے پُرائے زمانے نے  
 نبیاں وچوں اے، جیہڑا دوبارہ زندہ ہوئی گیا اے۔“  
 9 پر پیرودیس آخیا، ”یحییٰ نا سر تے میں آپوں کٹوایا  
 سی۔ ہُن اے کُن ہوئی سکٹا، جس نے بارے وچ لوک  
 اے گلاں کرنے ان؟“ اس واسطے اُس کوشش کیتی  
 کہ حضرت عیسیٰ کی آپوں اپٹی اکھیاں نال تکرے۔

حضرت عیسیٰ پنج ہزار بندیاں کی کھاٹا کھوائے ان

10 حضرت عیسیٰ نے صحابی اپٹے سفر توں مڑی کے  
 آئے، تے او ساریاں گلاں سٹیاں جیہڑیاں انہاں نال

ہویاں سن۔ فر حضرت عیسیٰ انہاں کی اپٹے نال ہٹی  
 کے الگ اک شہر وچ ٹری گئے جس نا نال بیت صیدا  
 سی۔ <sup>11</sup> بہوں سارے لوک اے گل سٹی کے حضرت  
 عیسیٰ نے پچھے ٹری گئے۔ حضرت عیسیٰ انہاں کی  
 بڑی خوشی نال ملے، تے انہاں کی اللہ تعالیٰ نی بادشاہی  
 نے بارے وچ پیغام دتا، تے بیماراں کی شفا وی دتی۔  
<sup>12</sup> جس ویلے نماشاں نا ٹیم ہون لگا، تے حضرت عیسیٰ  
 نے باراں صحابی انہاں کول اچھی کے آخٹ لغے،  
 ”اتھے کوئی بستی نی۔ لوکاں کی جاڈ دیو، تانکہ  
 اے آسے پاسے نے گرانواں تے بستیاں وچ جائی کے  
 اپٹے واسطے کھاٹے پیٹے تے ریٹے نا بندوبست کرن۔“  
<sup>13</sup> حضرت عیسیٰ آخیا، ”تساں اپٹے کولوں  
 انہاں کی کجھ کھاٹے واسطے دیو!“  
 صحابیاں جواب دتا، ”آساں کول تے صرف پنج روٹیاں تے  
 دو مچھیاں ان۔ کے خیال آے؟ آساں جائی کے انہاں  
 ساریاں واسطے کھاٹا ملے نا ہٹی کے آٹاں؟“ <sup>14</sup> جناٹیاں تے  
 بچیاں نے علاوہ اتھے تقریباً پنج ہزار تے صرف مرد سن۔

حضرت عیسیٰ اپنے صحابیوں کی آخیا، ”انہاں کی پنجاہ پنجاہ نے گروہ کری کے بہالو۔“<sup>15</sup> صحابیوں حُکم نی تعمیل کیتی، تے ساریاں کی بہالی شوڑیا۔<sup>16</sup> فر حضرت عیسیٰ پنج روٹیاں تے دو مچھیاں کیندیاں، تے آسمان در تکی کے اللہ تعالیٰ نا شکر ادا کیتا۔ تے روٹیاں پہنی کے اپنے صحابیوں کی دینے گئے، تانکہ لوکاں کی بندن۔<sup>17</sup> انہاں ساریاں رجی کے روٹی کھادی، تے بچے وے پھوریاں نال باراں ٹوکے وی پھرے گئے۔

### حضرت پطرس نا اقرار کرنا

<sup>18</sup> اک دیہاڑے اسرح ہویا کہ حضرت عیسیٰ کہلے دُعا کرنے سن تے انہاں نے صحابی انہاں نے نیہڑے سن۔ فر حضرت عیسیٰ انہاں کولوں پُچھیا، ”لوک مہاڑے بارے وچ گے آخنے ان کہ میں کُن آں؟“<sup>19</sup> انہاں جواب دتا، ”کجھ آخنے ان کہ اے حضرت یحییٰ ان، کجھ آخنے ان کہ حضرت

ایلاس ان، تے کجھ آخٹے ان کہ پُرائے زمانے  
 نے نبیاں وچوں کوئی دوبارہ زندہ ہوئی گئے ان۔“  
 20 فر حضرت عیسیٰ پُچھیا، ”تے تُساں؟ تُساں  
 مہاڑے بارے وچ گے آخٹے او کہ میں کُن آن؟“  
 حضرت پطرس جواب دتا، ”تُساں اللہ تعالیٰ نے پہیجے  
 وے مسیح او۔“ 21 اے گل سٹی کے حضرت عیسیٰ  
 اُنہاں ساریاں کی بھوں سَختی نال آخیا، ”اے گل  
 کُسے کی ناں آخو!“ 22 فر اُنہاں آخیا، ”اے تے لازمی  
 اے کہ ابنِ انسان یعنی کہ میں دُکھ تے تکلیفان  
 تکان، بنی اسرائیلی بڑے بڈیرے، بڑے مذہبی پیشوا  
 تے علما لوک مہاڑا انکار کرن، مکی مروائی شوڑن  
 تے تریئے دیہاڑے اللہ تعالیٰ مکی زندہ کری شوڑے۔“  
 23 فر حضرت عیسیٰ اُنہاں ساریاں کی آخیا، ”جیہڑا کوئی  
 مہاڑا پیروکار بٹنا چاہتا اے، اُس واسطے ضروری اے کہ  
 او اپنی مرضی چھوڑی کے ہر روز جان نی قربانی دیئے  
 واسطے تیار ہوئی کے مہاڑی پیروی کرے۔ 24 کیئانکہ جیہڑا  
 کوئی اپنی جان قربان کرنے تُوں بچاسی، اُس نی جان

ہمیشہ واسطے ضائع ہوئی جاسی۔ تے جیہڑا کوئی مہاڑے  
 واسطے اپنی جان قربان کرسی، او اپنی جان بچاسی۔  
 25 فرض کرو کہ کوئی بندہ ساری دُنیا حاصل کری کہنے،  
 پر اُس نی جان ہی تُری جائے، تے اُس کی کے فائدہ  
 ہوسی؟ 26 کیئانکہ جیہڑا بندہ مہاڑے تُوں تے مہاڑی تعلیم  
 تُوں شرماسی، ابنِ انسان یعنی کہ میں جدوں اپنی شان  
 و شوکت نال تے آسمانی باپ تے پاک فرشتیاں نی شان  
 و شوکت نال اِس دُنیا وچ واپس اچھساں، اُس بندے  
 تُوں میں وی شرماساں۔ 27 یقین کرو کہ تَساں وچ کجھ  
 اِتھے ایئے جہرے وی اِن جیہڑے کہ اُس ویلے تک ناں  
 مرسنُ جدوں تک او اللہ تعالیٰ نی بادشاہی ناں تکسن۔“

**حضرت عیسیٰ نے چہرہ مُبارک اپر نور آئی جاٹا اے**

28 انہاں گلاں تُوں تقریباً اٹھان دینہاڑیاں بعد اِسرح ہویا  
 کہ حضرت عیسیٰ اپنے نال حضرت پطرس، حضرت  
 یوحنا تے حضرت یعقوب کی ہٹی کے اِک پہاڑ اپر دُعا  
 کرنے واسطے گئے۔ 29 جیہڑے ویلے حضرت عیسیٰ

دُعا پئے کرنے سُن تے اُنہاں نے چہرہ مُبارک نی حالت  
 بدلی گئی، تے اُنہاں نے کپڑے چاندی نی طرح چمکٹ  
 لغی پئے۔<sup>30</sup> فِر اچانک دو بندے اُتھے آئے، تے حضرت  
 عیسیٰ نال گلاں کرنُ لغے۔ اے بندے حضرت مُوسیٰ  
 تے حضرت ایلاس سُن۔<sup>31</sup> اے دوئے وی بہوں شان و  
 شوکت وچ سُن، تے حضرت عیسیٰ نی وفات نے بارے وچ  
 گلاں پئے کرنے سُن جیہڑی یروشلم شہر وچ پوری ہوئے  
 آلی سی۔<sup>32</sup> پطرس تے اُنہاں نے سَنگی سخت نیندراں  
 وچ سُن۔ پر او جاگی گئے، تے اُنہاں حضرت عیسیٰ  
 کی بہوں شان و شوکت وچ دواں بندیاں نال گھلتیا وا  
 تکیا۔<sup>33</sup> او دو بندے حضرت عیسیٰ کولوں جانُ لغے  
 تے پطرس آخیا، ”آقا! اے کیتی خوشی نی گل اے، کہ  
 آساں اُتھے آئی گئے آں! جے کدے تُساں آخو، تے آساں  
 اُتھے ترے چھپر بٹاں، اِک تُساں واسطے، اِک حضرت  
 مُوسیٰ واسطے تے اِک حضرت ایلاس واسطے۔“ اصل  
 وچ اُنہاں کی کجھ پتہ نی سی کہ گے پئے آخنے اُن۔

34 او اے گلاں پئے کرنے ہی سن تے آسمانے وچ چہڑ  
 پئی گیا، تے اُنہاں کی کہیری کِہنداس۔ اُس ویلے  
 صحابی بھوں ڈرے۔ 35 چہڑے وچوں اک آواز آئی،  
 ”اے مہاڑا پتر اے، جسی میں چُنیا اے۔ اِس نیاں  
 گلاں سُنو تے منو!“ 36 اِس تُوں بعد صحابیاں تکیا کہ  
 اُتھے صرف حضرت عیسیٰ ہی سن۔ صحابیاں اے گل  
 اپٹے تک رخی، تے کجھ عرصے تک اِس واقعے نے  
 بارے وچ کُسرے کی ناں دسیا جیہڑا اُنہاں تکیا سی۔

### حضرت عیسیٰ اک مڑے وچوں جن کڈٹے ان

37 اگلے دیہاڑے او پہاڑ اپروں لہئی کے آئے، تے بھوں  
 سارے لوک حضرت عیسیٰ کی ملے۔ 38 اُنہاں وچوں  
 اک بندے حضرت عیسیٰ کی بھوں فریاداں نال آخیا،  
 ”آقا! مہاڑے پترے اپر نظرِ کرم کرو! مہاڑا اک ہی پتر  
 اے! 39 کوئی جن اُس کی پغڑی کِہننا اے، تے مُندا  
 چیخاں مارنا اے۔ جن اُس کی مروڑی کے سٹنا اے،  
 تے اُس نے مونہے وچوں چہگ نکلتی شروع ہوئی جاٹی



اے۔ او جنّ اُس کی سخت تکلیف دینا اے، تے  
 بھوں مُشکل نال اُس کی چھوڑنا اے۔<sup>40</sup> میں تُساں  
 نے صحابیاں اگے جنّ گڈھنّے واسطے درخواست  
 کیتی سی، پر اُنہاں کولوں اے کم نی ہوئی سکیا۔“  
<sup>41</sup> اے گل سٹی کے حضرت عیسیٰ آخیا، ”تُساں لوک  
 کیتے ہی بھٹکے وے او، تے ایمان تُوں خالی او! میں  
 کڈوں تک تُساں کول ہوساں؟ تے کڈوں تک تُساں نیاں  
 گلاں برداشت گرساں؟ مُنڈے کی مہاڑے کول آتو!“  
<sup>42</sup> جس ویلے اُنہاں مُنڈے کی آندا، تے اُس اپر دورہ پئی  
 گیا۔ جنّے اُس کی پرتی کے زیمی اپر سٹیا۔ حضرت عیسیٰ  
 جنّے کی جھڑکی کے مُنڈے وچوں کڈی شوڑیا، تے اُس  
 کی اُسے ویلے ٹھیک ٹھاک کری کے پیو نے حوالے کیتا۔  
<sup>43</sup> سارے لوک اللہ تعالیٰ نی قدرت تکی کے حیران ہوئے۔  
 لوک حضرت عیسیٰ نے مُعجزات کی تکی کے  
 حیرانگی نا اظہار ہی پئے کرنے سٹ، کہ حضرت عیسیٰ  
 صحابیاں کی اپٹے بارے وچ فرمایا،<sup>44</sup> ”مہاڑیاں گلاں  
 غور نال سٹو! ابنِ انسان کی یعنی کہ مکی، لوکاں

نے حوالے کیتا جاسی۔“<sup>45</sup> پر صحابیاں کی سمجھ  
 ناں آئی کہ اس نا مطلب کرے آے۔ اے گل انہاں  
 کولوں پوشیدہ ہی رہی، اس واسطے او سمجھی ناں  
 سکے۔ پر او اس بارے وچ پُچھنے تُوں ڈرنے سن۔

### بڑے مرتبے آلا کُن آے؟

<sup>46</sup> فر اسرح ہویا کہ صحابی اک ڈوئے نال بحث کرن لغے،  
 ”آساں وچوں بڑے مرتبے آلا کُن آے؟“<sup>47</sup> حضرت عیسیٰ  
 انہاں نے خیالات کی سمجھی گئے، تے انہاں اک نکرے  
 بچے کی پغڑی کرے اپنے کول کھلایا<sup>48</sup> تے آخیا، ”یاد  
 رَخو، جیہڑا بندہ مہاڑے ناں اپر ایئے جہے بچے کی قبول  
 کرنا آے، اس نا مطلب اے آے کہ او مکی قبول کرنا  
 آے۔ تے جیہڑا مکی قبول کرنا آے، حقیقت وچ او بندہ  
 اُس کی قبول کرنا آے جس مکی پیہجیا آے۔ اس واسطے  
 تَساں وچ جیہڑا کوئی ناچیز بٹسی، اُس نا مرتبہ بلند آے۔“  
<sup>49</sup> حضرت یوحنا آخیا، ”حضور، آساں اک ایئے جہے  
 بندے کی تکیا جیہڑا تَساں نے ناں اپر لوکاں وچوں

جِنَاتِ كُذِّهْنَا سَى - اَسَا اُس بِنْدَمِ كَى اِس كَمَمِ  
 تُو مَنع كَيْتَا، كَيْئَا نَكَ اَو اَسَا نَى جَمَاعَت نَال نَى -“  
 50 حَضْرَت عِيسَى اُس كَى جَوَاب دِتَا، ”اُس كَى مَنع  
 نَا كَرُو، كَيْئَا نَكَ جِيهْرَا بِنْدَه تُسَا نَمِ خِلَاف نَى،  
 اِس نَا مَطْلَب اَمِ اَمِ كَه اَو تُسَا نَمِ نَال اَمِ -“

### حَضْرَت عِيسَى يَرُوشَلَم شَهْر دَر رَوَانَه هَوَمِ اَن

51 جَدُو اَو وِيَلَا نِيْطَمِ اَيَا كَه اللّٰهُ تَعَالَى حَضْرَت عِيسَى كَى  
 اَسْمَانَا اِپَر اِپُتَمِ كَوَل بُلَاى كِيَهِنَمِ، تَمِ حَضْرَت عِيسَى  
 پَكَمِ اِرَادَمِ نَال يَرُوشَلَم شَهْر دَر تُرَى پُتَمِ - 52 اُنَهَا كُجَه  
 بِنْدَمِ اِپَر كَوَلُو اَكَمِ پِهِيَجَمِ - اَو جَائى كَمِ رِيَاَسْت  
 سَمَارِيَه نَمِ اِكِ گَرَا وَچ پُهِنَجَمِ، تَا نَكَ حَضْرَت عِيسَى  
 نَمِ اِچَهْطَمِ كَوَلُو پَهَلَمِ كُجَه تِيَارَى كَرَى كِيَهِنَمِ - 53 پَر  
 اُتَهَمِ نَمِ لَوَك حَضْرَت عِيسَى نَمِ اِچَهْطَمِ اِپَر خُوش نَى  
 سُنَمِ، كَيْئَا نَكَ اُنَهَا كَى يَرُوشَلَم شَهْر دَر جَاْا سَى -

53.9 اِس نَى وَجَه اَمِ سَى كَه بِنَى اِسْرَائِيْلَى يَرُوشَلَم كَى مَقْدَس شَهْر  
 سَمَجَهْطَمِ سُنَمِ، پَر سَمَارَى لَوَك اُس كَى مَقْدَس نَى سَمَجَهْطَمِ سُنَمِ -

54 جیہڑے ویلے یعقوب تے یوحنا کی اس گلے نا پتہ لغا، تے انہاں حضرت عیسیٰ کولوں پُچھیا، ”حضور، کدے تساں چاہو تے آساں انہاں واسطے بد دُعا کراں؟ تے اللہ تعالیٰ آسمانے وچوں اگ پیجھی کے انہاں کی ساڑی سٹے؟“ 55 پر حضرت عیسیٰ انہاں در مُڑے، تے انہاں کی جھڑکیا۔ 56 فر او کُسرے دُوئے گراں در تُری گئے۔

### حضرت عیسیٰ نا پیروکار بٹنے نی قیمت

57 جیہڑے ویلے او راہ وچ سن، تے اک بندے حضرت عیسیٰ کی آخیا، ”تساں جتھے کُدرے وی جاؤ، میں تساں نال جُلساں۔“ 58 حضرت عیسیٰ اُس کی آخیا، ”لومڑیاں واسطے تے مہور ہوئے ان، تے پرندیاں واسطے اَلڑے ہوئے ان، پر ابنِ انسان واسطے یعنی کہ مہاڑے واسطے، کوئی وی جغہ نی، جتھے میں آرام تے کری سکاں۔“ 59 فر اسرح ہویا کہ حضرت عیسیٰ اک بندے کی آخیا، ”مہاڑے نال آئی جا!“ پر اُس بندے آخیا، ”حضور، پہلے مکی اجازت دیو تے میں جائی کے اپٹے باپ کی دفنائی

اچھاں۔“ 60 حضرت عیسیٰ اُس کی جواب دیتا، ”تُوں پہلے  
 جائی کہ اللہ تعالیٰ نی بادشاہی نے بارے وچ پیغام لوکاں  
 کی سٹا! مُردیاں کی اپٹے مُردے آپوں دفن کرن دے۔“  
 61 اک ہور بندے حضرت عیسیٰ کی آخیا، ”حضُور،  
 میں تُساں نی پیروی ضرُور کرساں، پر پہلے میں جائی  
 کہے اپٹے کہرے آلیاں کولوں اجازت چاہی کہناں۔“  
 62 حضرت عیسیٰ اُس کی جواب دیتا، ”جیہڑا بندہ ہل  
 چلاٹے ویلے پچھے مُڑی مُڑی کہے تکتے آلا ہووے، او  
 اللہ تعالیٰ نی بادشاہی وچ خدمت کرنے نے قابل نی۔“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر  
کیتا۔ اسان نا دلی مقصد اے کہ اس پیغام کی پھیلا یا جائے۔  
اسان خوشی نال عیسیٰ المسیح نے بارے وچ تسان نال گل  
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>